



Na osnovu tačke III Programa korištenja novčanih sredstava predviđenih Budžetom Kantona Sarajevo za 2009. godinu za osposobljavanje neplodnog zemljišta ili poljoprivrednog zemljišta slabijeg kvaliteta za poljoprivrednu proizvodnju, Ministarstvo privrede Kantona Sarajevo objavljuje

## **JAVNI POZIV**

**za dodjelu novčanih sredstava predviđenih Budžetom Kantona Sarajevo u 2009. godini za osposobljavanje neplodnog zemljišta ili poljoprivrednog zemljišta slabijeg kvaliteta, za poljoprivrednu proizvodnju**

**I - Novčana sredstva koja se dodjeljuju po ovom javnom pozivu isključivo se mogu koristiti za ulaganje u poboljšanje fizičkih i hemijskih osobina poljoprivrednog zemljišta sljedećim mjerama:**

### **1. Kulturno tehničke mjere**

- čišćenje od kamena,
- vađenje panjeva,
- sječa šipraga,
- ravnanje zemljišta,
- krčenje,
- duboko oranje (rigolanje do 60 cm),
- oranje rotacionim plugom do 30 cm,
- ripovanje,
- tanjiranje teškom tanjiračom,
- tretiranje totalnim herbicidima,
- tabliranje,
- terasiranje,
- arondacija i dr.

### **2. Agromeliracione mjere**

- kalcizacija kiselih zemljišta,
- kalizacija zemljišta,
- fosfatizacija zemljišta,
- gipsovanje alkalnih zemljišta,
- sideracija (zelenišno đubrenje).

### **3. Hidrotehničke mjere**

- konzervacija zemljišta za odbranu od erozije vodom i od poplava,
- odvodnjavanje zemljišta,
- navodnjavanje zemljišta,
- primjena protiverozivnih mjera,
- krčenje,
- izgradnja nasipa.

### **4. Šumsko-tehničke mjere**

- podizanje vjetrozaštitnih šumskih pojaseva,
- podizanje protiverozivnih šumskih zasada.



## **II – Pravo učešća**

Pravo učešća imaju: pravna, registrovana fizička lica i fizička lica, kao i društveno političke zajednice sa područja Kantona Sarajevo u skladu sa sljedećim kriterijima:

- da su gruntovni vlasnici zemljišta za uređenje 1/1, ili da imaju pravovaljan ugovor o korištenju zemljišta na najmanje 5 godina,
- da imaju minimalno 0,3 ha poljoprivrednog zemljišta za uređenje.

## **III – Potrebna dokumentacija za prijavu na javni poziv**

### **A) za pravna lica**

- 1) Rješenje o upisu u sudski registar,
- 2) ID broj,
- 3) Z.K. izvadak, ne stariji od 6 mjeseci,
- 4) Kopiju katastarskog plana sa prijepisom posjedovnog lista, ne starijim od 6 mjeseci,
- 5) Projekat ili Program uređenja zemljišta sa detaljnim predračunom radova za sve navedene mjere i to pojedinačno, za svaku parcelu, koja je predmet uređenja,
- 6) Mišljenje Federalnog zavoda za agropedologiju,
- 7) Ukoliko se radi o zakupu zemljišta treba dostaviti pravovaljan ugovor o zakupu zemljišta na korištenje na period na najmanje 5 godina, sa zemljišno knjižnim izvatkom, kopijom katastarskog plana i posjedovnim listom za zakupljeno zemljište

### **B) za fizička i registrovana fizička lica**

- 1) Općinsko rješenje (za registrovana fizička lica), ili kopiju lične karte (za fizička lica),
- 2) Z.K. izvadak, ne stariji od 6 mjeseci,
- 3) Kopiju katastarskog plana sa prijepisom posjedovnog lista, ne starijim od 6 mjeseci,
- 4) Projekat ili Program uređenja zemljišta sa detaljnim predračunom radova za sve navedene mjere i to pojedinačno, za svaku parcelu, koja je predmet uređenja,
- 5) Mišljenje Federalnog zavoda za agropedologiju,
- 6) Ukoliko se radi o zakupu zemljišta treba dostaviti pravovaljan Ugovor o zakupu zemljišta na korištenje na period na najmanje 5 godina, sa dokumentima od zemljišta zakupodavca (r.b. 3 i 4).

### **Napomena:**

Sva potrebna navedena dokumentacija ne starija od 6 mjeseci, obavezno se dostavlja u originalu ili ovjerenim fotokopijama.

## **IV - Rok za podnošenje zahtjeva za dodjelu novčanih sredstava**

Trideset (30) dana od dana objavljivanja.

Ocjenu Projekata/Programa koji će se finansirati izvršiće Komisija koju će imenovati Ministar privrede.

Ministarstvo zadržava pravo poništenja javnog poziva.

## **V – Mjesto i način predaje zahtjeva za dodjelu novčanih sredstava**

Prijava za dodjelu novčanih sredstava sa potrebnom dokumentacijom isključivo se dostavlja na obrascu (koji se nalaze na Protokolu Kantona Sarajevo) ul. Reisa Džemaludina Čauševića br. 1 Sarajevo.

**Nepotpune i neblagovremene prijave neće se uzimati u razmatranje.**